



雲棧紀程卷五

廣漢 張邦伸 雲谷編輯

自宣羌州至廣元

十四日自宣羌西行山環水折中得平川豐草茂林

殊鬱佳氣二十里至界脾嶺路逕漸險

李調元界脾嶺云冬行雖

幽墨水雪出明爽新曦下危峩稍見天宇廣嶺陸頗
迴互鬱勃如修鱗我從尾上行步步不敢仰山房蓋
木皮居民訝魍魎見人或不冠自陳禮廳莽俗惡雖
可憎方言吾鄉倣飯飽一談餘眼底失鞅掌何雖見
鹿頭始作 又十里至迴水河蓋因牢固關水曲折東
故山想

流故得是稱其水東流至宣羌州城北合滴水巖水

爲養河卽漾水也俗謂之養家河由城東北折至五
丁峽與峽水合東北流入沔水道提綱白巖河自寧
羗州城東北流合平溪河來會水勢始壯卽此水也
第小註云白巖河出州西南與四川界之七盤關北
流經州城西北則悞矣七盤關在牢固關之西其水
西流不入寧羗十里至牢固關關高五里蓋嶓冢過
峽處也其東北爲嶓冢山又東北爲鮒嶠山爲雲霧
山爲紫柏山其南爲漫天嶺爲藁本山爲大巴山小
巴山要皆嶓冢之綿亘因地而異名耳關以東水東

北流入漢關以西水西南流入嘉陵江漢中記嶓冢
以東水皆東流嶓冢以西皆西流卽其地勢源流所
歸故俗以嶓冢爲分水嶺

吳融分水嶺云兩派潺湲不暫停嶺頭長瀉別離情

南隨去馬通巴棧北逐歸人達渭城澄處好窺雙黛影咽時堪寄斷腸聲紫溪舊隱還如此清夜梁山月

更蜀道驛程記云分水嶺東水皆北流至五丁峽北

合漾水入沔嶺西水皆南流逕七盤關龍洞合嘉陵
水爲川江又云沮水出武都東狼谷東南流注漢水
經此條在沔水下而此又云漾水出隴西嶓冢山東
至武都沮縣爲漢水不惟兩漢水皆合於沮必無是

理而漾水近在武都之幡冢反遠引隴西之幡冢東
流至武都爲漢其誤總以兩幡冢爲一山故自相矛
盾如是酈氏於漾水條下又云通谷水出東北通溪
上承漾水西南流爲西漢水則未嘗按脉察理而牽
合桑氏之說以成其誤不知漾水實東南流無由西
南流與嘉陵白水相合也黃氏日抄云漢水二源一
出秦州天水縣謂之西漢水至恭州巴中縣入江今重
慶府巴縣一出大安軍三泉縣謂之東漢水至漢陽軍入
江觀此則二水源流了然矣又十里至黃壩驛王士正夜

至黃壩驛短歌云氏道森沉十日雨石林冥冥斷行
旅洪濤殷地四山動古折盤渦禁難語前有蝮蛇後
豺虎紅鶴哀號奮毛羽吾生胡爲狎此曹命輕如毛
爭一縷妻孥飄泊寄京國欲歸不歸在何所鄉關迴
首四千里縱有苦辛誰告汝吳省欽雨次黃壩云暮
宿羊鹿坪朝食牢固關秦棧報垂盡食宿行開顏棧
險本在秦灘險本在楚蜀險祇脅從濟惡惡春雨雨
天無寸晴雨路無寸平濕泥墮雲頂半程遙十程止
止緒如麻行行面如土誰
慰寂寥心猿聲三四五

秦蜀後記黃壩驛一水南

流入廣元曰潛水禹貢沱潛旣道鄭康成曰漢別爲
潛卽此水也水出蔡山嶺下西流至轉頭鋪南會七
盤關水入嘉陵江由驛西上閔家坡十里至廟亭子
五里至七盤關是爲秦蜀之界秦蜀後記閔家坡與

七盤相距五里祇隔潛水其高不啻數倍險亦牛頭
柴關之比而以坡名失其實矣一統志七盤關在保
寧府廣元縣北一百七十里一名五盤嶺杜詩五盤
雖云險山色佳有餘是也祝穆方輿勝覽謂五盤嶺
屬利州亦名七盤嶺按七盤嶺卽今鷄頭關屬褒城
祝氏誤關在嶺際路皆石磴盤旋七折始陟其巔極

爲險峻道旁有小心移步四字碑

杜甫五盤嶺云五盤雖云險山色佳

有餘仰凌棧道細俯映江水踈地僻無網罟水清反
多魚好鳥不妄飛野人半巢居喜見淳樸俗坦然心
神舒東郊尙格鬪巨猾何時除故鄉有弟妹流落隨
邱墟成都萬事好豈若歸吾廬岑參早上五盤嶺云

平旦駢駟馬曠然出五盤江迴兩岸鬪日出羣峯攢
蒼翠烟景曙森沉雲樹寒松疎露孤驛花密藏迴灘
棧道溪雨滑畚田原草乾此行爲知已不覺蜀道難
方象瑛七盤關云鷄頭關前七盤嶺蚓曲地蟠纔見
頂氏中又復度七盤詰屈紆迴勢相引層崖邃谷路
轉通拾級忽見雲霞空卻恠頂觸前人趾不知舉膝
當心胸寔心息魄詫奇絕萬里山川風景別一關中
斷隴蜀分羌笛渝歌乍相接遙望川巴萬點明白雲
紫露還縱橫鱗鱗彷彿峨眉雪不知何處錦官城北
望京華南望越懷人兩地情偏切今朝身入大荒西
涼風古驛
中秋月

關下水出斷竇山西南流逕關下又西流

合木寨山水至轉頭舖南與黃壩驛水合按七盤關
爲入蜀門戶行人登陟旣難驛遞亦多不便今相厥
形勢循山脚而西于水次南岸略加開治不過半里

許卽合大路毋庸陟此峻阪移關於新開嶺下詰暴
防奸亦屬妥便至關下水不過涓涓細流添設橋梁
縱遇夏水泛漲亦斷不致有冲塌之患如此一轉移
間化險爲平旣可惠及行人亦可節省馬力願與留

心驛站者商之

李白送友人如蜀云見說蠶叢路崎嶇不易行山從人面起雲傍馬頭生

芳樹籠秦棧春流遶蜀城升沉應已定不必問君平
李遠送人入蜀云蜀客本無愁君今是勝遊碧藏雲
外樹紅露驛邊樓杜魄呼名語巴江
學字流不知烟雨夜何處夢刀州

由關西行踰新

開嶺度木寨山逶迤上下頗類馬鞍嶺而呀嵯磴确
之石較少十里至轉頭鋪

十五日自轉頭鋪循潛水而南五里度石堽棧踰嶺
行五里至鐘子鋪十里至溫家墳十里至神宣驛卽
諸葛武侯籌筆驛也方輿勝覽籌筆驛在利州綿谷
縣北九十九里諸葛武侯出師常駐軍籌畫於此李商
隱籌筆驛云猿鳥猶疑畏簡書風雲常爲護儲胥從
令上將揮神筆終見降王走傳車管樂有才眞不忝
關張無命欲何如他年錦里經祠廟梁父吟成恨有
餘石延年籌筆驛云漢室虧皇象乾坤未卽宜姦臣
與逆子搖嶽復翻冥權表分江域曹袁鬪夏惻虎奔
咸逐逐龍卧獨冥冥從眾非無術欺孤廼不經唯思
恢正道直起復炎靈管樂韜方略關徐駭觀聽一言
俄遇主三顧已忘形南旣清蠻土東期赤魏庭出師
功自著治國志誰銘歷劍兵如水臨秦策若瓴舉聲
將潰虜橫勢欲逾涇仲達恥巾幘辛毗嚴壁局可煩

親細務遽見墮長星戰地悲陵谷來賢賞德刑意中
流水遠愁外舊山青想像音徽在侵尋毛骨醒遲留
慕英氣沉驛西崖上石洞名老君洞一名通仙洞有
嘆撫青萍

石刻載唐明皇幸蜀見老君于此

陸游老君洞云丹鳳樓頭語未終崎

嶓蜀道復相逢太清宮闕俱煨燼豈亦南來避賊鋒

洞旁有老君廟明時有老

僧焚修廟中後歸寂尸僵不化今猶存又五里逕黃

荆嶺緣坡而西五里至龍洞背一名龍門山有石穴

高數十丈其狀如門潛水奔注其中聲甚厲穿山腹

而出分爲三洞水逕二洞出三洞西南流入嘉陵江

洞中有人魚重百餘觔巨口四足能上樹作嬰兒聲

時出洞見者以爲不祥寰宇記龍門山一名蔥嶺梁
州志蔥嶺有石穴高數十丈其狀如門號曰龍門出
好水爾雅水自漢出爲潛禹貢錐指郭璞爾雅音
義云有水從沔陽縣南流至梓潼漢壽入大穴中通
峒山下西南潛出一名沔水舊俗云卽禹貢潛也渭
案括地志云潛水一名伏水今名龍門水源出綿谷
縣東龍門大石穴下元和志云龍門山在利州綿谷
縣東八十二里潛水所出卽郭氏所謂潛也漢晉壽
故城在今保寧府昭化縣南東綿谷亦晉壽地今爲

廣元縣又云水經注云西漢卽潛水自西漢遡流而
屈於晉壽界阻漾枝津南歷岡穴迤邐而接漢沿此
入漾書所謂浮潛而逾沔矣枝津卽郭璞所云水從
沔陽縣南流至漢壽寰宇記所謂三泉故縣南大寒
水西流者也歷岡穴迤邐而接漢岡穴卽郭璞所謂
峒山括地志所謂龍門山大石穴者也龍洞背路極
斗折上有閣道曰龍門閣馮鈴韓田云其他閣道雖
險然在山腰亦微有徑可以置閣道惟此閣石壁斗
立虛鑿石竅而架木其上比他處極險

沈佺期過蜀
龍門云龍門

非禹鑿詭怪乃天功西南出巴峽不與眾山同長竇
瓦五里宛轉復嵌空伏湍煦潛石瀑水生輪風流水
無晝夜噴薄龍門中潭河勢不測蓱葩垂彩虹我行
當季月煙景共春融江關勤亦甚巘嶠意難窮勢將
息機事煉藥此山東杜甫龍門閣云清江下龍門絕
壁無尺土長風駕高浪浩浩自太古危途中縈盤仰
望垂綫縷滑石欹難鑿浮梁裊相拄目眩隕雜花頭
風吹過雨百年不敢料一墜那能取飽聞經瞿唐足
見度大庾終身歷險艱恐懼從此數方象瑛龍洞背
云神龍穿石飛洞壑晝常晦人乃捷於龍盤旋出龍
背躡衣入重雲勢與風雨會危崖千萬狀不知始何
代突兀浮圖高縱橫屏障大鱗鬣樹千章泉流吐飛
沫下注不測涇沉沉氣冥昧倘燃牛渚犀百靈宛然
在羗山多靈奇策名此爲最何必御風行曠然天地
外王士正龍門閣云眾山如連鰲突兀上龍背鱗鬣
中怒張風雨晝晦昧出瓜作之而神奇始何代亂水
趨嘉陵波濤勢交滙萬壑爭一門雷霆走其內直跨
背上行四顧氣什倍夕陽下岷峨天彭光破碎咫尺

劍門關益州此絕塞子陽昔躍馬伏夢成仙擬區區
王與孟泥首絕一概李特亦雄兒僭竊竟何在又絕
句四圍碧玉色峻嶒着箇行纏蓋飯僧松未風來龍
背冷坐看流水入嘉陵彭端淑龍洞背云萬山互廻
環嶙峋阻絕澗羣流爭一窟水石相闕戰晦明靈白
畫神物時隱見創闢驚鬼工俯瞰目亦眩在昔聞龍
門平生未及踐禹功不到處宇宙多怪變巨石結構
牢允矣終古奠又西南行十五里至雜菓舖十里至
朝天鎮蜀道驛程記上龍洞背兩山夾峙一山如猛
龍奮脊橫跨兩山之間下有洞似重城門可通九軌
水流其中下視烟霧蓊鬱不測尋丈白是盤折而上
騎龍背行四望諸山如劒鋸戟牙二十里許始下山
渡河卽分水嶺以西水入嘉陵江

處南山之巔爲朝天關孫樵所謂朝天雙峙以虧蔽中慘慄而陰翳是也其下江岸小有聚落曰朝天鎮

卽嘉川廢縣也

陸游嘉川舖得檄遂行中夜次小柏云黃旂傳檄趣歸程急服單裝破夜

行肅肅霜飛當十月離離斗轉欲三更酒消頓覺衣裘薄驛近先看炬火迎渭水函關元不遠著鞭無日

涕空橫

寰宇記嘉川廢縣本漢葭萌縣地宋武帝于此

置興樂縣西魏恭帝元年改爲嘉州取嘉陵江所經

爲名也九域志咸平五年改屬利州元併入綿谷縣

武元衡題嘉陵驛云悠悠風旆繞三川山驛空濛雨似烟路半嘉陵頭已白蜀門西上更青天楊慎嘉陵江云嘉陵江水向西流亂石驚灘夜未休巖畔蒼藤懸日月崖邊瑤草記春秋板居未變先秦俗刻木從

疑太古舟三十六程知近遠試憑高處望刀州王士
正嘉陵江上憶家云自入秦關歲月遲棧雲隴樹苦
相思嘉陵驛路三千
里處處春山叫畫眉

十六日至朝天鎮買舟西南行渡嘉陵江卽西漢水
也一名白水一名閬江其源有四一出甘肅秦州西
南八十里天水郡五泉山卽漢西縣嶓冢山也通典
云嶓冢山有二一在天水一在漢中漢中之嶓冢漢
水所出天水之嶓冢則西漢水所出也水自山腰五
泉湧出其下爲五泉寺水經注今西縣嶓冢山西漢
水所導也西流與馬池水合又西南合楊廉川水又